

QVÆSTIO MEDICA.

CARDINALITIIS DISPUTATIONIBVS

MANE DISCVTIENDA IN SCHOLIS MEDICORVM,

die Iovis, XXVI. Martii,

M. DIONYSIO GVERIN.

DOCTORE MEDICO, MODERATORE.

Daturne certum graviditatis indicium ex Urina?



VIDQVID excernitur, siue utile sit, siue inutile, crassum, tenue, vtriusque particeps in corpore humano, id redolet naturam & ideam partium vnde manat, per quas fluit, & quibus excipitur. Ita providè comparatum à Natura, vt nulla pars vel perexigua, suo & peculiari careat excremento: cuius varietas pro coctionis, quæ per-

ficitur insito cuiusque particulæ similis temperamêto, varietate nascitur. Quò fit, vt triplex emergat (cuius inevitabilis est provetus ab impotentia caloris nativi non ignei, sed cælestis, & proportionè elemento stellarum respondentis,) triplicis coctionis excrementum. Prioris, quæ in ventriculo, in quo vermes non generantur, absolvitur, stercus est; in gracilibus quidem intestinis à defæcatione chylo separatum, tandem in crassa, vt onus inutile deturbatum. Alterius, in hepate operâ sui parenchymatis, quando succus qui eò appulit, iam ebullit, fermentatur ac digeritur ad instar multi, triplex prodit superfluitas: bilis sincerior, ad vitam necessaria, in suum folliculum deponitur. Fæx & limus per ramum splenicum ad lienem defertur, vnde in ventriculum refluens, appetitum stimulat, coctionem juvat: deinde vrina per venas emulgentes in renes derivatur. Tertiæ autem coctionis duplex excrementum per cæca cutis spiracula exspirat, exsudatque sordes & sudor, eandem cum vrina habens materiam, & eundem generationis modum, cui sciendo nullum dicatum est medicamentum.

Edisio secunda, 1647.

A

SED quorsum excrementa Medico, quem omnibus absolutum numeris raro reperiri existimamus, expendenda proponuntur, nisi vt ex iis claram, obscuram constitutionis variæ in nobis latentis eliciamus cognitionem. Exinde nata Signorum doctrina *σημειωτική* appellata, pars Medicinæ dignissima, duas complectens partes, *διαγνωστική, προγνωστική*, in quarum ambitu totius *ὑγίαινης* cado vertitur. Illâ pars affecta, quinque modis cognosci solita, actionis læsione, excretis, situ, doloris proprietate, accidentibus propriis: deinde morbi species & illius causa detegitur; hæc verò eiusdem eventus sagaci ingenio prædicitur. Hæc tamen absque illius adminiculo vix ac ne vix quidem stare potest; vt frustra quis & invito Apolline ad augurandum de exitu morbi cuiuspiam se accingat, nisi comitem & sociam habeat *διαγνωστικήν*. Nihilominus certior longè & constantior iudicatur Dignotio, quàm Prænotio. Multa fallunt fugiuntque etiam longo usu in artis operibus exercitatos. Sæpius natura morbificis oppressa causis, ac propemodum fatiscens, præter spem omnem resurgit: ideoque incertæ in morbis acutis prædictiones; incertiores in diuturnis: imò, quod frequens est, cum omnia integræ valetudinis elucet argumenta, incertissimæ. Exurgit inde calumnia, inde dedecus: Certè, qui frequenter à seopo prædicendi aberrat, statim sibi detrahit fidem, nec parum de sua dignitate derogat. *ἵνα μὴ δ' αἰσῶμαι, ἀλλ' ἐυβελία.*

EXCREMENTORVM alia Dignotioni inserviunt, alia Prænotioni; vtrique non minimum confert vrina; Quæ quamvis potiora de se præbeat præsentium ac futurorum indicia, quàm pulsus: inponit tamen haud rarò, & eludit Medici lynceis oculis iudicium; nihilque ferè, si cum vario linguæ colore compareretur, significat. Est enim *γλῶσσα ὁμαρμένη πρὸς πορφυροσποινίαν*. Si quid patefacit aut indicat Vrina, illud tantum facit ratione partium vnde fluit, fluit autem à venis. Nam cum hepatis & lienis habeatur excrementum ex materia potulenta in venis & arteriis excocta & apparatus, ab excrementitia bile tineta, à renibus insita virtute proleçta, in hisque tanquam in qualo percolata, postremò in vesicam per vretes demissa; Quid, amabo? præter pepasnum aut cruditatem quatuor humorum in venoso genere contentorum, febres, aliosque morbos committentium, eorumque procreatricis facultatis robur aut infirmitatem denuntiabit? Quippe quæ apud omnes audiat *ὅριος τῷ, καὶ τὰς φλέβας γυμναίει*. Itaque nugantur & fucum

faciunt, qui ab illa certa & indubitata petunt auguria, ubi thorax, cerebrum aut uterus morbis obsidentur: ubi invasit pestis, in qua *θώραξ*, & ad cuius præcautionem usus urinae pestiferus est; ubi sæviunt febres purpuratæ, quibus venæ sectio semel atque iterum repetita multò magis succurrit, quàm bezaar, vnicornis, theriacæ; & id genus cardiaca. Cæterum, in urina considerantur liquor: & contenta: in liquore, consistentia, quantitas & qualitas: in contentis, sedimentum, enæorema, nubes; bullæ, ramenta, suffures, pili, arenulæ, pinguedo, sanguis, pus, vermes, & cætera, quæ partim propria sunt & essentialia; partim aliena & adscititia.

VTERVS autem velut divina Favissa, in qua Naturæ thesauri conditi, ubi fuerit opus, depromantur: & quæ iure optimo merita sit, ut alterum animal appelletur; duplici tunica constans, inter vesicam & rectum intestinum declivior loco situs, nullas habens cellulas, ut in brutis; cum semen virile, cuius est helluo, exceperit, concepit, factâ sensim menstrui sanguinis minimè virulenti accessione, fovit, miscuitque exactè, atque innatâ facultate in actum promovit: tunc omnes graviditatis, vernâ magis quàm aliâ tempestate fieri facilis, numeros explet. Statim contrahit se & connivet adeo spiritibus undique in unum coactis, ut ne acus quidem tenuissima subire possit: cuius, ut fermento tumentis, meatus quid habent cum renum & vesicæ meatibus commune? sed quid? in ipsius capacitate si saburra restagnat, vel in eius tuba potius, difficulter admodum vrinæ in vesica iam factæ & collectæ permiscetur & confunditur. Nam quod à venis in ipsum bene moratum & constitutum confluit (est enim sentina corporis muliebris) potestne per *πυλινδρ. μὲν* ad venas superiores remeare, sicque in renes regeri? sed rarò id contingit, neque Naturæ canellis circumscribitur. De his tantum sermo quæ *τὴν νόμον ἢ καὶ τὴν φ. οὐκ αὖ πῶτα ἴσιν τε ἰ. ο. μ. :* legis & Naturæ ductu. Ad hæc nobilis virtus *διατακτικῆς*, cuius auspiciis foetus formatur, absolviturque, suas dotes planè plenèque reservat sibi peculiare, cum aliis partibus quæcumque sint, numquam communicandas; & quidquid scriptum sit de foetu in tuba uterî concepto & efformato, tabulæ. Sunt vnicuique quæ renibus & vesicæ, quæ utero ductus & canales proprii, & inter se discrepantes. Excrementum ex his seorsim veniens, omnino varium est, diversasque *διαφορ.* quibus partes illæ occupantur, notas referens: perperam enim dixissent Veteres, *ἐμὴν οὐκ ἔστιν ἀπορρίπτειν τῇ γυναικὶ καὶ τῷ ἄνδρι.*

ET erit posthac quisquam qui insigni fallacis istiusmodi inspectionis vrinarum ludibrio, longè valere iussâ veterum Medicorum doctrinâ, mordicus teneat tunc vtero gessere mulierem (ne quidem per somnium visam, & dubiæ fortitan pudicitia) cum vrina, qualis à Mauritanis describitur, apparet; si præterea aliquo tempore asservata in vase probè aperto gignat vermiculos: si misturâ vini albi referat elixarum fabarum iusculum: Quibus signis & aliis, quæ isti iactant, cum longè latèque pateât, & equè soleant in vacuis & sanis, æquè in suppressione mensium, molæ gestatione, & in prava vteri diathesi, ac in prægnantibus observari, nullo pacto fidendum esse affirmamus. Eiusmodi autem commenta nunquam Principi Medicorum, cui doctor orbis *Submissis deferre fascibus imperium*, in mentem venerant. A mensium suppressione si absint horror, febris cibique fastidium; si os vteri conniveat, & cætera concurrant, definit graviditatem: sed &, vt firmior ea de re feratur sententia, consulit, vt dormituræ mulieri aqua mulsa propinetur, vt si experiatur tormina, iam credatur concepisse. Amplius, ex colore vultus variâque oculorum indole, & mammarum constitutione, ex positu & motu, an fœtus, & quinam geratur sexus, colligit. De vrina vt conceptus nuntia, ne *vr* quidem; haud dubiè si quid vir solers, cui primam vrinarum in morbis observationem debemus, scivisset certi inde erui posse, non omissurus. Eius vestigiis qui insisterunt, ne exiguum graviditatis umbram in vrina agnoverunt; quos minimè latuit huius excrementi natura & prompta mutatio. Quid enim mutabilis & corruptioni obnoxium magis? à quovis affectu in ventriculo, visceribus, venoso genere, renibus & vesica, delitescente, citò aliæ atque aliæ à seipsis redduntur vrinæ: hinc tenues & dilutæ, &c. hinc carunculis & fursure scatentes, hinc sabulosæ, non tam sociæ & consciæ calculorum vesicæ (nunquam vsu *αὐτογενήτων*: fatigandæ) quàm renum, persæpe prodeunt etiam in gravidis: Quid de aliis multis quæ eduntur aut bibuntur, & quæ afficiunt animum? vrinæ colorem, consistentiam, eiusque contenta immutant.

Ergo datur incertum graviditatis indicium ex Vrina.

Proponebat Lutetiæ GVIDO PATIN, Bellovacus,
Scholarum Archidiaconus,

Anno R. S. H. M. DC. XXVI.

*cette thèse est la 684.^e du tome IV
in folio des thèses de la faculté.*